

新松詩集

城大新松詩社

中秋夜贈文馨

風吹雨打又三年，四目相望淨惘然。斗轉星移江入海，時移境換箭離弦。莫憂繡匣劍空響，尚想明朝人好眠。趁月共籌來日景，與君把酒桂花前。（瞿曉琛）

歲末書懷·求職

二十兒郎寒牖中，辛酸只為錦衣紅。錚錚鐵骨渾銷去，一片虔心託巧工。（瞿曉琛）

贈友

魚鳥總無情，故人空淚盈。三秋花眼掩，十里柳絲縈。漠北多才俊，江南亦秀英。千山遮不斷，歲月自崢嶸。（繆丹純）

端午遊江南水鄉

吳越當時地，浣紗搖櫓同。三春芳毯碧，十里綺羅紅。拂柳絲沾手，分花蝶惹風。龍舟飛似箭，鑼鼓震蒼穹。（繆丹純）

京城

雲霄凌鐵翼，一去數千年。萬壽騰金壁，九龍馳翠淵。廣
招南北客，細數古今篇。白鴿五環躍，皇城新夢延。（黃
文欣）

歲末書懷

三更蕭瑟殘梧色，歲末朝來漏自惶。新雨高簷聲鼎沸，同
窗異地步匆忙。客顏有意醒空夢，塵白無情冷錦章。流水
不枯春易老，晨鳩未解晚鴉傷。（黃文欣）

寄藏劍兄

與君一遇慰平生，荊路迢遙好共行。東海魚來逐潮暖，香
江雪滿浴蟾清。無緣每悵棠棣趣，何幸彌珍山水情。勉綴
詩章相贈答，幽窗欹枕待長庚。（夏正耘）

歲末書懷步藏劍兄原韻

羈旅經年已慣愁，爐峰歲晚念中州。夢驚風驟頻移枕，病
起衣寒忍對秋。楚客空懷四方志，冰心暫寄五湖遊。故山
籬菊香依舊，何日旋歸插滿頭。（夏正耘）

歲末書懷

誰道光陰駒過隙，那知鎮日蟻攀峰。上元喜得雙籤吉，端
午驚聞萬事凶。菜薄中秋難下嚙，衣單臘月苦填胸。微軀
戮力紓年困，風雨隨心信可逢。（岑子祺）

冬至翌日同窗遊摩羅上街

對相憶虞庠，碩友歡嬉戲。聚首冬至時，香江遊故地。足
跡古董街，留影當日事。檀香一路飄，撫照迴芳思。紅燈

掛屋簷，朱門顯風致。滿目先賢才，傾心懷高誼。斜暉總無情，送別更斌媚。叮叮軌上行，顛簸如執轡。知己會面難，卒業莫相棄。（岑子祺）

清明

細數墳頭自覺癡，松楸帶笑似相知。相知過問前程事，歲歲東風亦舊時。（許振榮）

清明

細雨澄心萬事閒，層層薄霧掩湖山。慎終最是清明日，腦海如潮往復還。（許劍平）

桃花

桃花綻放新春怒，葉碧胭脂香氣清。春盡淚乾花憔悴，身隨俗世總多情。（蔡雅麗）

年花·五代同堂

新年喜氣盈花市，黃果纍纍結樹枝。五代同堂齊享樂，闔家團聚永相知。（陳婷婷）

桃花

朝夕拾本無相，似水流年未了期。喜見桃花仍舊笑，卻聞人臉已全非。（譚靜怡）

年花

桃花倚戶吐心曲，馥郁水仙薰麗裳。芍藥風姿迷醉眼，牡丹細賞賽群芳。（譚靜怡）

咏菊

頭上黃冠不用裁，一身翠綠葉飄來。春來賀歲秋呈祖，只為世人心意開。（馮鑒明）

桃

昨夜風開處處桃，園前只恨柏楊高。落紅本是無情物，何用春寒賜錦袍。（馮鑒明）

自題小照——丙戌歲暮訪台北琴人張清治教授陽明山精研齋

深山小樓靜，主人遺世情。風雨遠客至，立道喜相迎。引領入雅室，室雅知研精。圍坐品芳茗，雲破漸轉晴。徐步上高閣，書氣墨香盈。慷慨贈尺幅，援筆立題名。相邀撫縵去，琴音透清平。問君何能爾？幽居在陽明。（張為群老師）

壬午遊四川峨眉山有感

盛名欽慕久，蹭蹬造峨眉。曙色本相遇，聖燈安可期。仙山藏四絕，心事訴孤危。萬佛高千仞，醍醐滌我思。（張為群老師）